



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Magistro Militiae sancti Iacobi.

urn:nbn:de:hbz:466:1-20020

M A G I S T R O M I L I T I A X
sancti Iacobi.

*Epiſt. 140.
Reſpondet ad
eius conſulta.*

EX parte tua fuit propositum coram nobis quod quidam miles, ut idem afferit, infirmitate detentus apud fratres Grandimontenses professionem fecit tantummodo, sed habitum non recepit; quem cum restitutus postmodum sanitati humiliter postulasset, fratres praefati, nisi pretium hereditatis suæ secum afferret, sibi concedere noluerunt, nec etiam dare licentiam ad religionem aliam transeundi. Porro miles praedictus ad quandam domum militiae sancti Iacobi veniens, ibidem facta professione suscepit habitum regularem, fratribus domus ejusdem ignaris penitus præmissorum. Vnde postulabas per sedem apostolicam edoceri utrum ipsius militis assertioni simplici sit credendum ut à praefata domo recedat, vel in eadem debeat remanere, in qua ipsum non est dubium facta professione habitum suscepisse. Nos igitur inquisitione tuae taliter respondemus, quod cum Grandimontensis ordinis regula longè arctior sit quam vestra, ei ad illam maximè redire volenti non est difficultas aliquatenus ingredenda. Tua nos præterea devotio requivit, cum plures fratres militiae sancti Iacobi à prædecessoribus tuis accepta licentia, quæ secundum institutionem ordinis non debet parentibus denegari, in expensis domus tibi commissæ extra ipsam vitam elegerint arctiorem, utrum eos, cum eidem domui videris expedire, ad collegium valeas revocare, ita quod inter fratres vitam quam elegerant arctiorem agant, ad melioris conversationis exemplum. Ad hoc tibi breviter respondemus, quod cum nemo mittens manum ad aratum & respiciens retro aptus sit regno Dei, non est quisquam talium reducendus ad locum quem propter regnum Dei provida deliberatione reliquit, nisi causa necessitatis urgentis aut evidenter utilitatis alicui specialiter ex dispensatione sedis apostolicae concedatur. Datum Soræ Kal. Septembri, pontificatus nostri anno undecimo.

LONDONIENSI, ELIENSI,
& Vvigornienſi Episcopis.

*Epiſt. 141.
De cauſa Ec-
clesie Cantua-
renſis.
Vide geſta In-
noc. III. cap.
131-132.*

ABsit à nobis ut illis merito comparemur quibus improprietat Psalmita dicens, *Fili⁹ Effrem intendentēs arcum & mittentes sagittas in die pralij sunt converſi; ne forte, quod summus pastor avertat,*

etiam mercenario comparemūr, qui secundum parabolam evangelicam videt lumen venientem & dimittit oves & fugit; cùm potius parati simus pro domo Domini nos murum opponere ascendentibus ex adverso & animam nostram dare pro oib⁹ nostris, si necessitas postularer. Licet igitur affectemus inter regnum & sacerdotium pacem plenissimam in Anglia reformari, quantum in nobis est pacem cum omnibus hominibus habere volentes, frustra tamen quivis hominum machinatur vel alienis fuggere vel propriis persuadere commentis quod nos occasione quacunque contra libertatem ecclesiasticam declinare velimus ad dexteram vel sinistram, cùm hujus causa certaminis hunc absque dubio tendat ad finem ut Ecclesia Dei, quæ ancillata jacebat, liberata resurgat. Quocirca fraternitatis vestræ prudentiam insinuatione præsentium reddimus circumspiccam, ut à vanis suggestionibus penitus avertentes auditum, quæ profectò immisiones sunt per angelos malos, secundum tenorem & formam mandatorum nostrorum, omni finistra interpretatione cessante, fideler procedatis, ita videlicet ut sententiam interdicti nec prius nec aliter relaxetis quam carissimum in Christo filius noster Iohannes Rex Anglorum illustris venerabilem fratrem nostrum Stephanum Cantuariensem Archiepiscopum S. R. E. Cardinalem tamquam Archiepiscopum Cantuariensem recipiat & pertractet, præfita securitate tam sibi quam suis quæ ad hoc secundum vestræ discretionis arbitrium via fuerit opportuna, & restitutionem plenariam exhibeat ablatorum tam eidem Archiepiscopo quam monachis Cantuariensis Ecclesia neonon aliis Ecclesiis & personis, ipsosque monachos ad Ecclesiam suam redire permittat ac manere securos, & regalia univera vel per se ipsum eidem Archiepiscopo conferat & assignet, vel, si maluerit, vos vice nostra illa conferatis & assignetis eidem; ita quod ipse sibi pro illis quemadmodum ejus prædecessores suis progenitoribus teneatur, proviso prudenter ne quid deceptionis ex hoc super articulis quibuscumque contra ecclesiasticam interveniat libertatem, iisque rite peractis, relaxetis sententiam interdicti, faciendo præfatum Archiepiscopum, sicut expediri, ad Cantuariensem Ecclesiam profici. Si vero circa horum aliquid, de quo merito valeat dubitari, quicquam emerserit quæstionis, vos recepta prius ab